

Maman!



Progjet promovût di 'Il Friuli' e 'ARLeF'



LIS AVENTURIS DI VIGJI E LUMI

MANDI A DUCJ,

savêso nuie di Lumi? Al è di mêș che no ai **gnovis** di jê. O sai dome che e veve di lâ in feriis tal mêș di Avost. Cumò o sin ae fin di Setembar, pensaiso che no sedi inmò tornade? Ni une cartuline, ni une mail, nuie di nuie! Cuissà, magari in curt mi rivarà une sô letare par pueste o magari al rivarà un uciel migradôr che, prime di scjampâ dal Friûl par lâ in puescj plui cjalts, al passe par ca e mi lasse un so messaç dolç. Jo intant o spieti ca, met che mi fâs une biele telefonade...



Fotografie di Vigji di Francesco Damiani

GNOVIS
NOTIZIIS,
INFORMAZIONS
SU CUALCHIDUN
O SU ALC

ZÛC

Tal cjast di Daria e je cetante confusion. Cîr il mapemont e cerclilu di blu. Cumò cîr i cjapiei e cercliju di zâl. Inte stanzie al è un libron vert. Sêstu bon di cjatâlu? Cerclilu cul vert scûr.



Vuelistu tornâ a viodi lis pontadis di Maman! ?
Cirilis su www.arlef.it
o cjale lis replichis su **telefriuli** **vinars aes**
5.45 sot sere


Pagjine curade di Daria Miani
e dal Sportel Regionâl
pe Lenghe Furlane de ARLeF

LU SAVEVISO CHE...?

■ Daûr dal calendari dai sants cristians, ai 2 di Otubar e je la zornade dai Agnui. Propit par chest, ta cheste di si fâs fieste ancje pai nonos, che a son come agnui custodis dai lôr nevoduts.



> Tant par ridi



- "None, none, ma il nono isal stât frut?"
- "Ma sigûr Pierut!"
- "E no lu cjolevino vie cun chê barbe lungje lungje?"

DISSEN

Mandinus un dissen che al conte di Maman! a maman@tvstar.com



Candela V.

Il dissen al è di Candela (12 agns)

ARLeF
AGENZIE
REGIONÂL
PE LENGHE
FURLANE